

TENTAMEN MEDICUM

INAUGURALE

DE

VARIOLA.







14

TENTAMEN MEDICUM  
INAUGURALE,

DE  
VARIOLA;

QUOD,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, SS.T.P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu, et

Nobilissimæ FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subicit

DANIEL PROUDFIT,

*Civis Reipublicæ Novi Eboraci:*

COLUMB. SOCIET. NOV. EBORAC. SOC.

NEC NON

SOCIET. AMER. MED. PHILADELPH. SOC. EXTR.

NEC NON

SOCIET. AMER. PHYS. EDIN. SOC. EXTR.

---

*“ Tristius haud illa monstrum, nec se vior ulla*

*“ Pestis et ira Deum Stygiis sese extulit undis.”*

VIRG.

---

Ad diem 24. Junii, hora locoque solitis.

EDINBURGI:

EXCUDEBAT ADAMUS NEILL CUM SOCIIS.







JOANNI PROUDFIT, ARMIGERO, S. P. D.

DANIEL PROUDFIT.

Causæ, FRATER carissime, cur hoc opusculum tibi dicem, revera multiplices sunt. Cum vero numerosiores sint, quam quæ, hoc in loco, possint commemorari, eas silentio prætereundas duxi. Tantas vero esse palam confitear oportet, quantæ mihi e memoria nunquam excident, et me te, per totum vitæ decursum, non tantum pro FRATRE generoso, sed pro vero caroque amico esse habiturum.

Valetudine commodissima, summa felicitate, et omni solatio, quod vita præsens viro digno potest suppeditare, per longissimum annorum spatium, frui pergas.

VALE.

*Edinburgi, idibus Junii, dabam.*







# DISSERTATIO MEDICA

## INAUGURALIS,

### DE

## VARIOLA.

---

**N**ULLUS morbus est, qui attentionem medicorum in se magis convertit, quam variola, et forsitan non alius est, qui exitum magis dirum funestioemve habuit. Igitur omnis medicus, qui salutem et felicitatem humanam consulere cupit, in naturam ejus accuratissime inquirere debet.

Ex quo hic morbus in Europa sese ostendit, tantam diversis temporibus stragem edidit, ut de ea, in momentum etiam, cogitare, mortales summo horrore non afficere non possit.



Per secula multa, in nationes diversas, quæ orbem terrarum tenent, magnopere sæviit, et medicamentis efficacissimis parere recusavit, a tempore Arabicorum medicorum, RHAZIS, AVICENNÆ, et HALLI-ABBI, ad seculum SYDENHAMII usque ; cui solertia ingenii naturalis et sagacitas in viam morbo medendi longe aliam procedere, et ad regimen antiphlogisticum decurrere persuaferunt. In dedecus vero ævi, cui talem tantumque virum videre contigerit, memoretur necesse est, eum nihil aliud a demonstratione ingenii tam manifesta, quam contumeliam et ludibrium, licet praxis ejus mortales, plerisque in exemplis, felicissime conservaverit, cepisse.

In qua regione, aut quo tempore, variola primum apparuerit, ex toto ignoramus ; et labores scriptorum, qui animum ad hanc rem investigandam attenderunt, nihil omnino luminis ei offuderunt. Hoc vero saltem compertum habemus, morbum partes Europæ, vel Magnæ Britanniae, occidentales, seculo undecimo vel duodecimo labente, infestare consuevisse.



visse. Quin etiam verisimile est, hunc morbum, ab Arabia in Europam fuisse invecum; nam e monumentis medicinæ disci potest, sævitiam suam in Arabes, per multa secula, antequam incolis Europæ fuit notus, exercuisse. Denique regimen antiphlogisticum, quod a medicis Arabicis, RHAZI, AVICENNA et HALLI-ABBI, in curatione hujusce morbi, in usum fuit revocatum, cur nomina eorum veneratione constanter prosequamur, in causa esse debet.

Variola morbus est, qui a contagio singulari proficiscitur, et ab <sup>multis</sup> ~~omnibus~~ morbis, qui originem a contagione deducunt, hoc evidentissime differt, quod corpus humanum, per totum vitæ decursum, semel tantum afficit. Quæ huic opinioni adversari existimantur, ea omnia fabulosa esse videntur, et nulli fundamento stabili innituntur. Igitur quicquid operæ in hoc auctores posuerunt, id eo contemptu, quem probe meretur, est accumulandum.

Effluvium ab iis oriundum, qui variola conflictantur, vel qui eadem extincti fuerunt, typhum excitare posse haudquaquam inficior. Immo mihi animus inclinatur, ut virus variolosum



sum, quod e corporibus morbidis emanat, effectum hujuscemodi edere ex toto credam. Qui juvenes in cadaveribus eorum, qui, in Nosocomio Edinensi, hoc morbo fuerunt rapti, incidendis fuerunt occupati, ii in typhum illabi periclitabantur, et vita eorum non raro in summum periculum fuit adducta \*.

Nulla anni tempora certa, ut hic morbus epidemice grassetur, facere posse videntur. Illustrissimus tamen SYDENHAMIUS memoriae prodere non dubitat, variolam non abnormem, aut modice mitem, sub æquinoctium vernum, sese ostendere solere †; sed mihi persuasum habeo, variolam, et solitam et anomalam, omnibus, quotquot sunt, anni temporibus, invadere posse. Me judice vero, admodum probabile esse videtur, et variolam et reliquos morbos, qui febriles appellantur, a statu cœli singulari pendere. Mihi quidem volupe est notare, virum jure quidem clarissimum Doctorem GREGORIUM in hanc eandem sententiam concessisse, cum in prælectionibus suis, quam frequenter

\* Vid. Doc. WALK. Tract. de Variola.

† Vid. Tom. Prim. pag. 151.



ter, et unde febres contagiosæ oriantur, exponit.

Vir illustris VAN SUI TENIUS testatur, variolam, in tempus diuturnum, Viennæ invaluisse; sed modo leniter, modo graviter grassatam fuisse. Doctor SYDENHAMIUS memoriæ posterorum tradit, variolas, quæ mense Januarii oriuntur, a typo communi deflectere, et mortalibus summo exitio nonnunquam esse\*.

Insuper variola, temporibus anni calidissimis, omnia sua signa leniora et mitiora habet; et, contra, multo plus gravitatis, mensibus hiemalibus, et vice versa, ostendere solet. Hinc non solum morbus, pro rata parte, frequentius accedit; violentia vero ejus magnopere intendi videtur, et etiam a conditione cœli singulari pendere vulgo existimatur. Et nullus fortitan morbus est, qui contagionem suam cum corporibus facilius communicat, quive aëra, orbi terrarum circumdatum, magis corrumpit et inquinat.

Quanto temporis spatio, contagium corpori applicatum morbum moveat, perquam incertum

Vid. Tom Prim. pag. 265.



tum esse videtur. Vir doctus vero RUTHERFORDIUS pater, ubi in prælectionibus suis, de usu medicinæ practico, hunc morbum exequabatur, quo spatium verum, quo contagio variolæ naturalis effectus suos febriles edat, pro certo comperiretur, quod sequitur memoriæ posterorum tradidit, catervam militum, per vicum, ubi variola epidemice grassaretur, iter facientem, signa contagii, quo fuerant imbuti, ab duodecimo ad decimum quintum diem usque, ostendisse\*. Hoc vir clarus inductus tempus, modo commemoratum, pro solito habebat. Quinetiam Doctor GEORGIUS FORDYCE, in cujus observationibus summa fiducia collocari potest, in eandem sententiam concessit, exemplis nonnullis, quæ viderit, motus †.

Hæc doctrina vero, non fundamento stabili et inconcusso inniti videtur; namque de veritate ejus, inter summos viros, nondum ex toto convenit. Eruditissimus GREGORIUS filius asserere non dubitat, contagionem variolosam, corpori admotam, vim suam febrilem, a tertio die,

\* Vid. Lond. Med. Transf. pag. 5. Ann. 1793.

† Vid. Loc. citat.



die, ad decimum quintum usque, ostendere posse. Insuper in eos, qui, dum pus variolosum illis inferitur, magno terrore afficiuntur, maturius agere videtur; et effectus, si fides opinioni vulgari habenda, magis exitiales edit.

Exemplum, quod subsequitur, me iudice, quam parum regulariter contagio variolosa, corpus in humanum, agat, probare videtur.

Ad puerum arcessitus sum, cujus pater mihi dixit, se eum variola correptum esse putare; namque puerum, qui, in vicinia, hoc morbo laborabat, et postea eodem extinctus est, ante dies novem decemve, inviserat. Multas papulas exiguas, in facie præsertim, et in reliquis quoque corporis partibus, conspexi, quæ variolosas plurimum retulerunt; sed maculæ abnormes inter eas, hic illic, intercedebant. Febris non modica fuit, nonnihil fitis eum infestavit, et tremores inusitatissimi in somnum illapsurum invaserunt, qui eum quoque, in gremio materno, oculis apertis, decumbentem, occupaverunt, adeo ut convulsiones graviores accessuræ esse viderentur. Hæc signa in causa fuerunt, cur morbum variolam esse



esse crediderim, et usum aëris frigidi purique, purgationem alvi leniorem, potionem frigidam, vel acidum vegetabile dilutum dulceque redditum, præceperim.

Cum die proximo fuisssem reversus, me morbum ab omnibus aliis fecernere valiturum esse sperans, summa admiratione fui affectus, cum eruptionem nihil mutationis omnino, per spatium totum viginti quatuor horarum, subiisse comperi. Et quidem, in eodem statu, per quinque vel sex dies, cum omnibus signis supra comprehensis, mansit, et deinde pustulæ evanuerunt; sed febris, nulla ex parte, lenita est. Iterum arcessitus sum, et, summo cum gaudio, pustulas, quæ revera variolosæ fuerunt, corpus in universum semet diffudisse notavi. Hoc autem die sexto, postquam eruptio proxima decesserat, incidit. Puer, in præsentia, pustulas plurimas, sed discretas, et bene repletas, habet; et eum, pauculis diebus, ex hoc morbo graviore emerfurum esse confido.

Ex hoc exemplo universo, morbum pueri primarium a contagione variolosa ortum deduxisse,



duxisse, clare constabat. Ex quo morbus primum apparuit, donec vera variola semet ostendit, sedecim vel septemdecim dies elapsi sunt, et, per totum tempus, febris urgebat.

Veram morbi diagnosin, sub initia, tradere in primis difficile fuit; sed eventus, ad extremum, votis respondit. Causas vero insolitorum phænomenorum exponere non possum, et nullum exemplum ei simile unquam vidi aut audivi.

### DEFINITIO MORBI.

“ Synocha contagiosa, cum vomitu, et ex  
 “ epigastrio pressio dolore: Tertio die incipit,  
 “ et quinto finitur, eruptio papularum phleg-  
 “ monodearum, quæ, spatio octo dierum, in  
 “ suppurationem, et in crustas demum, ab-  
 “ eunt; sæpe cicatrices depressas, sive foveo-  
 “ las in cute relinquentes\*.”

Quantum ad variolam discretam attinet, ea  
 “ pustulas paucas, discretas, circumscriptione  
 B “ circulares,

\* Vid. CUL. Synop. tom. xi. pag. 132.



“circulares, turgidas, habet, et febris, eruptione facta, protinus cessat.”

Quod vero Variolam confluentem spectat, ea “pustulas numerosas, confluentes, circumscriptione irregulares, flaccidas, parum elevatas, habet, et febris, post eruptionem, persistat.”

## HISTORIA.

Antequam febris variolosa semet in conspectum dat, non raro languorem, inertiam, anxietatem, et magnum inquietudinis gradum, queritur ægrotus; quod, ut membra corporis frequenter distendat, oscitetur molestiamque sentiat, facit. Et his signis adjunguntur, frequenter, dolores obtusi, in ossibus, et in diversis aliis corporis locis, ut dorso, lumbis, &c. alte fiti, qui morbum appropinquare testantur.

Morbus a rigore et horrore incipere consuevit, qui sæpiissime, circa meridiem, accedunt. Hos brevi excipiunt, dolor capitis vehemens, febris, et ea quæ eum constanter comitantur,  
cutis



cutis calor, lingua arida et sicca, et sitis immodica. Pulsus arteriarum frequentes, duri, validi et pleni evadunt.

Ægrotus interdum magnopere ægrotat, et multum molestiæ sentit. Ventriculus ei sæpe numero perturbatur, et dolor acutissimus in regione epigastrii æque frequenter oritur, potissimum si pressuræ fuerit objecta; et hunc aliquando nausea et vomitio subsequuntur. Spiritus sæpe acceleratur, et accedunt oppressio et sensus ponderis sub sternum, et singultus.

Quidam adulti, si in lecto decumbitur, ad sudandum proclives sunt; et infantes, inter dormiendum, tremoribus nonnunquam corripiuntur, immo non raro, convelluntur. Hoc etiam speciem hujusce morbi mitissimam, quibusdam in casibus, præcedit, cujus nonnulla exempla vidi.

Ægrotantes in lecto multum cubare cupiunt, et interdum signa stuporis et comatis evidentia ostendunt. Hæc signa, ut jam fuit comprehensum, in tres quatuorve dies, magis minusve vehementia,



vehementia, pro lenitate morbi vel gravitate, manent.

Circa finem hujusce stadii, parvulæ rubræ pustulæ in facie, collo et pectore prius oriuntur, et deinde brevi in corpus universum sese diffundunt. Paulatim in vesiculas exiguas eminentiores affurgunt, quæ, sub initium, aliquantum lymphæ serosæ vel pellucidæ continent. Harum inflammatio pergit, et, circa septimum vel octavum diem, pus verum progeneratur, quod gradatim arefcit, et demum in crustas ficas abit, quæ aliquot cicatrices, vel faveolas, in cute relinquunt.

Papulæ multum inflammationis, circa bases, sæpe habent, quæ non solum oculis evidentissime videri potest; sed etiam, ut cutis tacta magnopere doleat, potissimum, cum in lecto decumbitur, et superficies corporis ægrotantium pondere suo premitur et irritatur, facit. Hanc ob causam, infantes nonnunquam perquam intractabiles evadunt. Inflammatio ab una pustula ad vicinas, et ab his ad alias, se-

met



met diffundens, cutem universam colore rubro, vel damasceno, impertitur.

Simul ac variola maturescere incipit, facies, præsertim circa oculos, tumescit, qui sæpe occluduntur, et rigescunt. Per hoc stadium, saliva sæpe, magna quantitate, excernitur, quod summam ægrotanti molestiam faceffit. Quinetiam, cum magna debilitas subfit, ex ore difficillime expuitur. Die sexto septimove, rauitas et cynanche tonsillaris sæpe invadunt, quæ potestatem devorandi difficilem et dolentem efficiunt; immo ex toto tollunt. Hinc fit, ut ægri, devorare conantes, cibum, quem sumere volunt, per nares vel os, momento, violenter expellant.

Die decimo vel undecimo, tumor faciei decrescit, dum alter, in manibus et pedibus, qui, pustulis maturescantibus, aliquantum subsederat, incipit nasci. Hoc tempore, aliquid febris apparet, præsertim si pustulæ faciei sint numerosæ. Cæterum iterum, pustulis ad maturitatem vergentibus, decedit; vel interdum, donec



nec variolæ manuum pedumve evanuerint, modica lenisque manet \*.

Quæ febris variolam discretam comitatur, ea est fynocha, vel inflammationem habet.

Signa speciei confluentis discretæ propria referunt, sed vulgò graviora sunt, et ægrotantem periculo multo majori subjiciunt. Febris, ante eruptionem, concitator est. Anxietas, dolor et perturbatio ventriculi majora. Nonnunquam quoque nausea gravisque vomitio oriuntur, quinetiam subsunt anorexia magna, et alimentorum omnium insuperabilis fere averfatio.

Ægri delirio sæpissime tentantur. Contra vero, interdum stupore magno et comate afficiuntur. Infantes frequenter in diarrhæam, et paroxysmos epilepticos incidunt, quod constanter pro signo malo habendum.

Ictus arteriarum frequentes, et exiles evadunt, et typho proprios reddunt; spiritus opprimitur et citatur, et dolores etiam in viscera thoracis aliquando invadunt.

Tumescit magnopere facies, et expuitur plurimum

\* Vid. CUL. Prim. Lin. tom. i. pag. 274.



rimum salivæ. Pustulæ maturime apparent, et in facie numerosissimæ sunt, forma perquam abnormes, et confluentes.

Eruptione ad finem perducta, febris minime decedit, sed suppurationem, per omnia sua stadia, comitatur; et sæpe, decimo undecimoque diebus, quibus periculum hujusce morbi maxime reformidandum est, et strages horrenda nonnunquam in ægrotantes editur, plurimum intenditur.

Petechiæ, et maculæ rhyfelatosæ, inter pustulas aliquando notantur. Quinetiam sanguis ex aliqua parte profunditur. Doctor HELVETIUS quorundam casuum mentionem injicit, in quibus sanguinem, una cum urina et fæcibus, ex ore et naribus, dum ægrotus tussiebat, expelli conspexit\*.

SAUVAGESIUS celeberrimus, de variola confluyente nigra agens, memoriæ posterorum tradit, excretiones alvinas, urinam, sputum, vomitionem et lachrymas, nonnullis in casibus, sanguine esse tincta, intervalla pustularum nigrescere, et paroxysmos febriles violenter favere,

\* Vid. Tract. de Variola, pag. 121.

vire, et hanc speciem, secundo tertiove die, exitio esse folere \*.

Cum hæc species maxime violenta et exitiosa est, ingeniosissimus CULLENUS refert, ægrotos miserandos, ante diem octavum, nonnunquam consumi; sed hunc eventum, exemplis in plerisque, ad diem undecimum, quo mortales rapi maxime periclitentur, et interdum ad decimum quartum decimumve septimum differri folere †.

SYDENHAMIIUS se nunquam variolam, post diem septimum, præterquam in exemplis quorundam annorum anomalis, morte finire vidisse, affirmat; et, in his, ægrotantes, circa diem decimum quartum, vel decimum septimum, diem supremum plerumque obiisse ‡.

### DIAGNOSIS.

Omnes morbos, quam certo quamque cito fieri potest, a se invicem fecernere medici debent. Hoc in morbis, quotquot sunt, magni momenti

\* Vid. Nosol. Method. tom. ii. pag. 428.

† Vid. Prim. Lin. pag. 277.

‡ Vid. tom. i. pag. 320.



momenti est, et majoris forsitan in nullo, quam in variola. Medicus enim morbo venienti, quod tantum e primis signis, semet ostendentibus, disci potest, pro virili occurrere debet; namque ab hoc salus ægroti plurimum pendet. Neminem enim, qui medicinam labris primoribus degustavit, latere potest, quam necesse sit, contagionem ex toto præcavere, vel, si hoc fieri nequeat, vim ejus diminuerere; signa, quæ maxime urgeant, diminuerere, et violentiam morbi periculossissimi limitibus angustissimis circumscribere.

Nil medicos, in diagnosi vera tradenda, plus adjuvare potest, quam animum ad morbos, epidemice grassantes, considerandos adjungere, et, num necne ægrotus contagioni variolosæ pateat, accurate examinare. Quinetiam rigor febrilis, dolor ventriculi, nausea, vomitio, et paroxysmi epileptici, qui infantes corripunt, medicum sagacem ad veram diagnosin recta ducere valebunt.

Cum vero papulæ in superficie apparuerunt, variola cum varicella et rubeola confundi, ali-

qua ex parte, periclitatur. Namque a variola, per cutem duram, tussim siccam et molestant, epiphoram, facile dignoscitur rubeola. Quinetiam, hoc in morbo, maculæ cutis magis abnormes sunt, et non tam rotundæ, quam variolosæ. Insuper admodum rubescunt, et inter sese insigniter confluunt. Præterea, in rubeola, oculi, semper magis minusve inflammantur, et lachrymæ multæ ex iis profluunt; palpebræ tumescunt, et multum muci e naribus profunditur. Papulæ rubeolæ, in morem earum variolæ propriarum, in pustulas nunquam elewantur, et multo citius in crustas furfuraceas, quam variolosæ in suppurationem, abeunt.

Pustulæ varicellæ magis variolosas reddunt, quam aliis morbis propriæ. Nonnulla exempla vidi, in quibus a sese invicem non facile possent distingui. Pustulæ largæ fuerunt, et pure flavo bene repletæ; sed infantes variola antea laboravisse, et varicellam, non variolam, eo tempore, epidemice grassari, compertum habebamus.

Insuper



Infuper febris varicellæ, quæ eruptionem antecedit, plerumque levis et brevis est. Papulæ varicellæ citius in papulas, quam variolosæ, abeunt, quamquam vix suppuratione perfecta finiuntur. Materia, quæ iis continetur, sæpe fluida manet, et nullo modo pus variolosum refert. Denique pustulæ varicellæ in squamulas, non crustas, pauculis diebus, desinunt\*.

## CAUSA REMOTA.

Quod seminium hujusce morbi unicum constituit, id est morbo non antea laboravisse. Quæ causa vero morbum excitat, ea revera est contagio singularis, cujus natura et origo mortales adhuc omnino latuerunt. Et quidem perspectæ violentiæ morbi, et gravitati, forsitan non multum succurrerent. Namque paucissima exempla habemus, ubi natura rerum talium, quales sunt contagia, vel artis chemicæ, vel medicamentorum potentia, multum fuerit mutata.

Contagionem

\* Vid. Doc. HEBERDEN. in Med. Transf. tom. i. art. xvii.

Contagionem autem variolosam in corpus, nisi hoc ad illam, per quasdam mutationes antecedentes, sit accommodatum, agere non posse, minime probabile videtur. Contra, comperit habemus, homines omnis ætatis, et omnis constitutionis corporeæ, validissimos et infirmissimos, hunc in morbum incidere, ex æquo periclitari. Hoc usus infitionis quotidianus clarum perspicuumque reddit; infantes etenim valentiores, et valetudine commodissima fruentes, et tenerrimi morbisque debilitati, contagio, corporibus inserto, absque ullo discrimine, afficiuntur. Quinetiam revera nonnulli fœtus, in utero latentes, antequam corpora eorum ullum detrimentum, vel a natura regiminis adhibiti, vel atmosphæræ matribus circumdatae, capere potuerunt, hoc morbo fuerunt correpti \*. Hinc cogi et effici potest, eos auctores in errorem incidisse, qui in sententiam concesserunt, fœtus huic morbo non esse opportunos, et ita in scriptis, quæ in vulgus ediderunt, asseruerunt.

Pus

\* Vid. Doc. MEAD. Tract. de Variola: et Edin. Med. Comment. Anno 1794.



Pus variolosum plurimis omnis ætatis, et utriusque sexus, qui valetudine etiam commodissima utebantur, indi vidi, et omnes, uno puero, septem vel octo annos habente, excepto, inficiebantur. Quædam, sed perquam rara sunt exempla, ubi contagio non effectus, sibi proprios, edit. Cur vero phænomena hujusce generis, in corpore humano, interdum sese ostendant, non opis est nostræ rite explicare. Utrum necne, verba viri ingeniosissimi JOANNIS HUNTER sequentia, huic rei lumen omne, quod desiderari potest, offundant, apud medicos peritos et sagaces judicium esto : “ Does not the failure  
“ of inoculation, and the power of resisting ma-  
“ ny infections, arise from the person having,  
“ at same time, some other disease, and there-  
“ fore incapable of a new action \* ? ”

Non improbabile esse videtur, ægrum quemlibet, corpore per diætam valentiolem, potionem meraciorem, incontinentiam, vel quodlibet aliud, debilitato, vim contagionis applicatæ acutius, quam alium diverse affectum, esse sensurum. Quare vero hoc incidit ? Non-

ne

\* Vid. Tract. de Lue Venerea, pag. 10.

ne perspicuum est, corpus, ad certum gradum usque, viribus et vigore nunc destitutum, facilius morbidæ causæ esse cessurum ?

Minime potest dubitari, quin foetus omnium animalium, et vegetabilium etiam, simul ac nati sunt, certis causis iis applicatis, morbis obnoxii evadant ; et inde magna vitiorum cohors, et mors denique inevitabilis, oriantur. Insuper diversæ causæ diversos morbos progignunt, unde profluit magna morborum varietas, qui voluptates generis humani in miseriam, mœrorem et ejulationem convertunt.

Nulla, me iudice, ad variolam proclivitas, aut certa corporis conditio, a qualibet causa nociva naturali oriunda, ad actionem contagionis promovendam sunt necessariae. Namque corpus, omnibus temporibus, donec morbo semel laboravit, affici periclitatur. Verba celeberrimi GREGORII sequentia hoc abunde confirmant : “ Nec quisquam hominum tam firma valetudine, tantoque corporis robore gaudet, quin, causis quibusdam excitantibus admotis, gravissimos morbos suscipiat. Variola  
“ semel,



“ semel, lues venerea sæpe, etiam sanissimos  
“ inficient. Venena necant. Caloris nimium  
“ multimodis nocet \*.”

Itidem vir celebris JOANNES HUNTER frequentia in medium profert: “ But we may,  
“ in general, affirm, that as animals are not  
“ formed naturally with disease, nor so as to  
“ run spontaneously into diseased actions, diseases must always arise from impressions  
“ made on the body †.”

## CAUSA PROXIMA.

In modo, quo contagium variolosum in corpus agat, adeo ut febrim et pustulas faciat, considerando multum operæ curæque posuerunt medici. Et quidem in primis, ut eum, ad imum fundum usque, investigare possemus, exoptandum foret.

Modus vero, quo pleraque contagiorum corpus in vivum agant, et morbos procreent, est res explicatu in primis difficilis, et captum humanum,

\* Vid. Conspect. Med. Theor. tom. i. pag. 25.

† Vid. Tract. de Lue Venerea, p. 10.

humanum, limitibus angustioribus circumscriptum, forsitan superat, et semper superabit.

Si vero ab hominibus, qui summam famam, in arte medica, et existimationem sibi comparaverunt, in re dubia, dissentiam ; hoc, uti spero, lector benevolus, non impudentiæ juvenili, sed veritatis explorandæ amor, candidus referet.

Contagium variolosum massam humorum circumeuntium naturæ suæ assimilare, non mihi clare constat ; nam opinio hujuscemodi varia morbi phænomena minime explicat, et a legibus, quibus œconomia animalis regatur et gubernetur, potius abhorrere videtur.

Namque hodie, ex variis experimentis, in animalia viva institutis, compertum habemus, omnes et sentiendi et movendi potestates a nervis solis pendere, qui imperium, in corpus universum, summum exercent. Hoc eo usque invalescit, ut mutationes morbidæ, partibus remotioribus illatæ, ab impressionibus per nervos cum corpore communicatis proficiantur, et partes laborantes secundario tantum afficiantur.



afficiantur. Quinetiam nihil certius est, quam quod, per interventum systematis nervosi, omnes, quotquot sunt, impressiones nocivas, si hæ sint contagiones, injuriæ externæ, ut vulnera, contusiones, lacerationes, &c. sentimus. Hæc nōtio verbis MONROIANIS sequentibus ex toto confirmatur: “ We know, for certain, that, through the medium of the  
 “ nerves, we are rendered sensible instantly  
 “ of injury done to the most distant parts of  
 “ our bodies \*.”

Vir eruditissimus MEADUS de effectibus, quos venena et contagia in corpus humanum vivum edant, in modum sequentem, differit:

“ For we must observe likewise, that al-  
 “ though the first impressions of the poison  
 “ be made on the nervous spirit; yet the  
 “ whole mass of blood soon partakes of the  
 “ hurt: not I suppose, from a mixture of the  
 “ venom with it; but from such a corruption  
 “ of it, as an irregular circulation, interrupt-

D

“ ed

\* Vid. Observ. de Syst. Nerv. p. 15.

“ ed secretions, and stagnations in the small-  
“ est blood-vessels may naturally produce \*.”

Hæc quidem MEADII celeberrimi opinio, omnia nempe contagia et venena genus in nervosum agere, a vero non longe abludere videtur.

Quo attentius varia signa, quæ, per stadia hujusce morbi singula, sese in conspectum dant, contemplor, eo magis, ut huic doctrinæ fidem habeam, animus mihi inclinatur. Præterea, variolam eodem modo, quo febres aliæ contagiosæ, invadere notamus. Et haud dubie, hac ratione inductus, variolam in classe Pyrexiarum, et ordine Exanthematum, collocandam curavit CULLENUS sagacissimus.

Horror rigorque quoque, capitis dolor, languor, debilitas, nausea, vomitio, tremores, paroxysmi epileptici, in pueros invadentes, proclivitas ad somnum, stupor et coma adultorum, genus nervosum, in variola, magnopere affici et turbari abunde testantur.

Hoc in loco, non silentio prætereundum est, ad ultima, in variola conflictantibus, die octavo,

\* Vid. Oper. p. 24.



tavo, undecimo, decimo quarto, et decimo septimo, perveniri solere. Eodem tempore, eodemque modo, judicari consueverunt pleræque febrium contagiosarum. Ex hisce concludi potest, sanguinem, in variola, non magis, quam in febribus modo comprehensis, vitari et corrumpi. Huic opinioni subscribit doctus MEADIUS, qui illas febres finem funestum prius habere, quam sanguis, ulla ex parte, mutatus sit, memoriæ prodit: “The  
“ porters,” inquit ille, “ who opened the in-  
“ fected bales of goods in the Lazarettos of  
“ Marseilles, died, on the first appearance of  
“ the infection, as it were by a sudden stroke,  
“ being seized with rigors, heart-sickness,  
“ tremblings, \* &c.” Postea sequentia supra  
positis adjicit: “ That, goods being brought  
“ from Grand Cairo, when the plague raged  
“ there, to Alexandria, on opening one of the  
“ bales of wool in a field, two Turks, employed  
“ in the work, were immediately killed; and  
“ some

\* Vid. Oper. p. 252.

“ some birds, which happened to fly over the  
 “ place, dropped down dead \*.” Insuper re-  
 fert: “ At the black assize at Oxford, held  
 “ in the Castle there, at which the judges,  
 “ gentry, and almost all that were present,  
 “ to the number of 300, were killed by a  
 “ poisonous steam, brought by the prisoners  
 “ out of the prison into court; it being obser-  
 “ ved, that they alone were not injured by  
 “ it †.”

Ingeniosissimus GREGORIUS, in prælectio-  
 nibus suis, exemplum, huic non dissimile, me-  
 moriæ posterorum tradit, quod Londini, in  
 foro juridico, incidit: Quadraginta viri, cap-  
 tivorum, e carceribus in curiam rebus capita-  
 libus dirimendis destinata productorum, mi-  
 asmatis infecti, febre gravissima putridaque  
 correpti sunt.

Ante tempus quidem longissimum, nemi-  
 nem rei medicæ peritum fugere potuit, ali-  
 quid putridum extraneumve, in vasa anima-  
 lium vivorum, quæ sanguinem vehunt, immis-  
 sum,

\* Vid. Oper. p. 268.

† Vid. Oper. p. 281.



sum, mortem, brevi, illis plerumque inferre. Lac etiam, alimentum blandissimum, et ex omnibus fluidis, quæ possunt memorari, sanguini humano simillimum, idem præstitit. Eundem effectum quoque aër edidit.

Insuper aër communis, in cava corporis diversa admissus, aut ad ullos musculos patefactos adspirans, perniciosissime egit. Quilibet chirurgus, artis propriæ peritus, qualia pericula infortunia hujuscemodi comitentur, optime novit.

Quinetiam, si experimentorum eventus ullum lumen huic rei, nempe mutationi morbi-  
bidæ, hoc in morbo, humoribus illatæ, offundere pèrmitteretur : ægros e vita, citius etiam, quam supra fuit comprehensum, emigraturos esse, concludi posset ; et non, cum materia morbifica ad superficiem usque jam fuisset propulsa. Namque, rebus hoc modo se habentibus, corpus periculo carere, verisimillimum esse videtur.

Anatomicus, jure celeberrimus, MONROIUS, in prælectionibus suis, enarrat, se guttam aquæ,

\* Vid. Dissert. Inaug. Doc. SEYBERTI, Philadelph,

quæ, opio admistæ, in aortam raninam injectisse, et convulsiones, momento, in corpus animalis universum, semet diffudisse. Idem vir præclarus, arterias venasque fibris muscularibus instructas esse, clarissime demonstravit. Compertum autem habemus, inflammationem vel spasmus ullum acre, partibus ita sensilibus, ut membranæ narium, tracheæ, ventriculo, intestinis, oculis, &c. admotum, spatio brevissimo, excipere solere. Insuper hæ partes contactui materiæ externæ magis, quam superficies vasorum sanguiferorum mollis et tenera, affuetæ, ullo stimulo iis admoto, citissime ac violentissime afficiuntur.

Vir, inprimis ingeniosus, JOANNES HUNTER, suis in prælectionibus, refert, se virus, et variolæ et lvi venereæ proprium, per sanguinem utroque morbo laborantium, cum nonnullis communicare fuisse conatum; sed rem non votis suis respondisse. Igitur sanguinem contagio non inquinari solere, alioquin morbus, in hisce exemplis, fuisset ortus, probabile esse videtur.

Silentio



Attentionem nostram fugere non debet, pustulas nunquam, in ullis corporis cavis, semet ostendere; et nullos dolores, morbo progrediente, interne sentiri, unde, eas viscera et cava diversa infestare, suspici potest\*.

Exploratum est neminemque latet, humorem certum e massa sanguinis generali in corporis cava constanter effundi. Si vero hæc massa assimilaretur, aut quolibet modo per virus variolosum inficeretur; ratio gravissima non deest, cur concludamus, vasa exhalantia, parvula ac molliora, humorem contaminatum, inflammatione graviore, et forsitan exitiosa, non excitata, transmittere non valitura esse.

Hoc in morbo, vascula cutis veræ sunt perquam irritabilia; quod hinc plane apparet, quoniam messis papularum multo copiosior, emplastro stimulante cuilibet parti applicato, vel

\* Vid. COTUNNII Tract. de Sede Variolæ.

Item TISSOT, Tract. de Variola.

Item Doc. WALKERI Tract. de Variola.

vel cute ipsa calidiorē conservata, semet in conspectum dare consuevit.

Actio autem horum loco omnino propria est, et nullam ab hisce partibus revulsionem facit, quod nobis evidenter manifesteque probat, effectum hujusce contagii in vasa cutanea potissimum, et violenter quidem, edi.

Insuper, si cutis contagio varioloso magnopere, et multo magis, quam reliquæ corporis partes, affici non concludatur, et, si affectus superficiei corporeæ a vitio sanguinis universo oriatur, quid, quæsumus, potest obstare, quominus superficies omnium cavorum internorum æque, ac partes corporis externæ, afficiatur, cum et hæ et illa causis, ex æquo irritantibus et excitantibus, plane objiciantur?

Quantum ad sanguinem ipsum attinet, nulla omnino mutatio ei illata esse hætenus fuit notata, si crustam coriaceam solam excipias, quæ ei, per decursum febris, et ante et post eruptionem, innatat\*. Quinetiam comper-

tum

\* Vid. Doc. BOERHAAVII Aph. 1384.

Item Oper. Doc. SYDENHAMII, tom. ii.



tum habemus, hanc in omnibus morbis febrilibus, qui inflammationem habent, et in nonnullis ex iis, qui a contagione proficiscuntur, semet ostendere. Præterea exercitationem acriorem, quæ motum sanguinis magnopere intendit, aliquando subsequitur.

Modus quoque, quo papulæ in cute primum oriuntur, attentionem nostram meretur. A rubore et dolore incipiunt, deinde tumescunt, et tandem, aliquot diebus elapsis, in modum aliorum tumorum phlegmonodeorum, suppuratione finiuntur. Quantum vero opinionem celebris DE HAEN spectat, pus nempe in vasis sanguiferis formari, et ex iis postea secerni, ea, uti omnes norunt, jamdudum convulsa est.

Medicamenta quoque, quæ ad gravitatem hujusce morbi levandam conferunt, caute attentæque sunt consideranda. Ea autem, quæ subsequuntur, plurimum proficere solere experientia docet, aëra nempe frigidum, liberaliter adhibendum, laxantia, &c. per stadium primum; vinum, corticem Peruvianum, et alia to-

nica et stimulantia, quibus adjungi debent antiseptica, iis in casibus, qui ad putredinem vergunt. Quam ob causam vero hæc præciuntur? An consilio actionibus morbidis, in solido vivo, occurrendi; aut ullum processum, in sanguine jam inceptum, præcavendi? Effectus autem remediorum hoc genus tam accurate hodie intellecti sunt, ut nunquam ulli processui incepto obsistere, aut partes morbias a sanis disjungere, possint judicari.

Nonne probabile esse videtur, omnia contagia, quibus aër, ægrotantibus circumdatus, contaminatur, in papillas narium nervosas, et eas ori, tracheæ, pulmonibus, et forsitan etiam œsophago ventriculoque, proprias, effectus suos morbosos edere?

Quisnam est, qui a capitis dolore, nausea, vomitione signisque similibus vacat, odoribus nocivis et ingratis narium orisque nervis admotis? Nonne febres tam subito sæpe oriuntur, ut eas non aliter, quam per interventum systematis nervosi, moveri posse planum perspicuumque sit? Exemplum hujusmodi, in  
Nosocomio



Nosocomio Regio Edinenſi, ſemet oſtendit ; in quo, in cadavere admodum putrido incidendo occupati febre ſubitanea fuerunt correpti \*. Caſus huic ſimillimus, Philadelphię, fuit notatus ; in quo etiam juvenis, qui cadaveri ad putredinem nimis vergenti diſſecando operam navabat, in febrim violentam protinus incidit, et, pauculis diebus, animam exhalavit. Quinetiam exempla quædam in libro viri ingenioſiſſimi RUSHII Philadelphiensis, qui de febre icterode conſcriptus eſt, generis omnino ejuſdem, reperiunda ſunt : “ I met with ſeveral caſes,” inquit ille, “ in which it, *viz.* “ contagion, acted ſo, as to produce fever, “ on the ſame day, in which it was received “ into the ſyſtem ; and I heard of two caſes, “ in which it excited ſickneſs, fainting, and “ fever, within one hour, after the perſons “ were expoſed to it †.”

Inſuper attnetionem noſtram non fugere debet, variolam, etiam poſt inſitionem, non prius

\* Vid. WALKER, de Variola.

† Vid. Tract. de Feb. Icter. p. 27.

prius accedere, quam pars, cui pus variolosum insertum fuit, inflammationem subiit. Quinetiam vir clarissimus, JOANNES HUNTER, memoriæ posterorum tradit, hunc morbum, si pars, quam inficere velimus, die quarto, vel etiam ante inflammationem secundam, excidatur, non oriri solere. In eandem sententiam quoque, concessisse videtur illustrissimus MONROIUS; namque contagionem variolosam, in sanguine, non multiplicari existimat.

Neminem, qui ullum progressum laudabilem in medicina fecit, latere potest, insignem et universum, inter partes corporis diversas, consensum intercedere. Nonne igitur in primis probabile esse videtur, omnes corporis partes, in variolosa infectione etiam, præsertim parte, quam viro imbuere fuerimus conati, inflammata et morbida reddita, consensu universo, modo posito, affici posse?

MONROIUS clarissimus sequentia profert:  
“ As opium, after the circulation ceases, af-  
“ fects organs, distant from those, to which it  
“ is applied, it is beyond doubt, that the lat-  
“ ter



“ter suffer, in consequence of sympathy of  
“nerves\*.”

Insuper e memoria nobis non excidat, et  
medicamenta et venena in corpus humanum  
quam maxime subito agere. Hujus exem-  
plum luculentissimum, in fumo nicotianæ, in  
os cujuslibet, eo uti non assuefacti, inflato, ha-  
bemus. Namque, spatio temporis brevissimo,  
et antequam ad sanguinem accedere potest,  
vertiginem, nauseam, vomitum, et magnam  
signorum febrilium cohortem, movere solet.  
Hoc phænomenon autem non aliam explica-  
tionem recipere potest, quam quod fumus in  
papillas oris nervosas recta agit, et deinde  
motus, quos fecerit, morbos in systema u-  
niversum diffundit.

Tartarum emeticum quoque, ventriculo re-  
ceptum, actionem, quam excitat, morbidam  
cum superficie et reliquis corporis partibus  
subito communicat.

Multa alia exempla, hisce non abfimilia, in  
medium facile proferre possumus; sed adduc-  
ta ad rem, de qua agitur, illustrandam suffi-  
cere

\* Vid. Obser. de Syst. Nerv. p. 10.

cere credimus. Idcirco reliqua silentio præteribimus.

An aliquid certius esse potest, quam omnia hæc medicamenta aut venena, antequam in massam humorum circumeuntium, ullo modo, ingredi possunt, effectus, sibi proprios, in corpus humanum edere?

Quam repentini, quam mirabiles motus ab una corporis parte ad alteram, in podagra etiam, sæpe propagantur! Horum vero naturam rite exponere nondum opis est nostræ.

Si aliquis requirat, ut pustularum, quæ in superficie corporis oriuntur, rationem claram reddamus, nos huic muneri explendo ex toto impares esse lubenter confitemur. Namque qui eas legibus œconomix animalis constitutis, quarum notitiam plenam habere nequeunt, ii nihil aliud, quam nugas meras prosequuntur.

Non satis admirari possumus, quam certo et constanter omnia contagia, humanis corporibus admota, certas eorum partes et definitas afficiant, et violentiam suam in eas exerceant; quamvis postea, ut omnes norunt, systema universum



versum effectuum morbidorum secundario particeps evadere periclitatur.

Cum mutationes diversas, quas multæ causæ singulares, corporibus nostris applicatæ, iis inferant, et mirabilem celeritatem, qua agant, mecum attentus considero, mihimet in animum induxi, quæstiones, quæ subsequuntur, proponere.

Nonne contagio variolosa, per impressiones in nervos extremos factas, in corpus humanum agit, et, per interventum horum, omnes reliquæ partes afficiuntur?

Nonne phænomena tetani, auræ epilepticæ, et etiam epilepsiæ ipsius, ab imitatione animique affectibus proficiscentis, huic notioni favent?

Nonne effectus quorundam medicamentorum, quæ certas corpori actiones morbias inferunt, subitanei huic hypothefi quoque favent?

Num memoria malorum miseriarumque, quæ aliquis fuerit perpeffus, tenax, quam appetitus languescens, ictus arteriarum debiles,  
et

et valetudo parum commoda soleant excipere, huic opinioni adversari videtur?

Nonne phænomena hypochondriasis, melancholiæ, maniæ, et etiam pervigilium, quod valetudine commodissima fruentibus dolorem capitis et nauseam movet, rem ita sese habere probant?

Nonne phænomena morborum, modo comprehensorum, et omnium quidem aliorum, qui contagione vulgantur, et ea quoque, quæ mente concipimus, quibusnam legibus òbscuris intellectuque difficilibus systema, et hominis et aliorum animalium, administratur, et quot modis diversis quotque variis causis afficiatur, aperte planeque demonstrant?

Qua ratione denique vim, quam contagium variolosum febresque, a contagione ortum ducentes, in corpus humanum edant, quam eam ab impressionibus, in nervos extremos factis, et inde ad partes systematis remotissimas usque diffusis, cum eodem communicari, ponendo, melius clariusque exponere valebimus?

PROG-



## P R O G N O S I S.

Fositan nullus alius morbus est, cujus eventum certius, quam variolæ, præfagire potest medicus. Species discreta plerumque parum periculi habet. Si vero pustulæ in facie sint numerosæ, et signa febrilia graviora diu maneant, et, eruptione absoluta, non remittant; præsertim, si, die octavo undecimoque, intendantur, in aliquo periculo versatur ægrotus. Variola discreta vero, plerisque in exemplis, licet signa aliquando minacia sint, exitum faustum habet.

Sin, contra, variola confluens adsit, ægrotus nunquam periculo vacat; præsertim, si febris, quæ eruptionem antecedit, violentior sit, et ad naturam typhi accedat, et æger infirmus debilisque sit. Idem, si papulæ faciei aliarumque corporis partium numerosiores sint, pronunciari potest.

Cum febris, post eruptionem, non remittit, sed priore tenore persistat, et, die octavo nonoque, ingravescit; cum tumor faciei et corpo-

ris magnus est, et sputum copiosum sed, brevi, cessant; et vires ægrotanti convulsæ sunt; nihil, præter exitum funestissimum, sperandum. Quinetiam delirium et coma graviora mala sunt.

Paroxyfmi epileptici, semet, die morbi primo ostendentes, finem morbi parum faustum portendunt; et interdum misellos, ante eruptionem, rapiunt.

Si ægri tempore, quo pustulæ matureſcunt, rigoribus frequentioribus corripiantur, eventus morbi plerumque reformidandus est, et prædici potest ad ultima fere jam ventum esse. Non pauca hoc genus exempla vidi, et, in iis, omnes ægri diem supremum obierunt.

Petechiæ denique, maculæ erysipelatosæ; vesiculæ, inter pustulas, cuticulam a cute vera disjungentes eandemque elevantes, magnum periculum subesse denunciant.

### RATIO MEDENDI.

In primis opus est, ut medicus morbum, sub ipsa prima initia, ab omnibus aliis, qui ullam  
cum



cum eo similitudinem habent, accuratissime discernere valeat; namque morbo venienti, et nondum vires plenas sibi adepto, occurrere, quam contra gravitatem ejus, quolibet tempore postero, pugnare, multo tutius efficaciusque est. Primus ictus, ut adagium vulgare habet, in quolibet prælio, dimidium fere victoriæ est.

In primo morbi stadio, aëra frigidum purumque ad corpus ægrotantis liberaliter adspirare permittere summi quidem momenti est; et in hoc medulla praxeos hodiernæ consistit. Rem ita sese habere testantur opera omnia medicorum illustrium, qui plurimum operæ curæque, in hoc argumento investigando, posuerunt, et plurimum luminis ei offuderunt, quique inde summam claritudinem, in arte HIPPOCRATICA, sibi merito compararunt. Quantum hocce, quo vivimus, seculum immortalis SYDENHAMIO debet, et quantum secula futura, quotquot, ante decursum temporis ad finem perductum, existent, debebunt, qui primus, omnibus fere æqualibus invitis, aut revera et aperte ei adversantibus, regimen antiphlogisticum

cum, cum summa laude sua, in usum revocare ausus est !

1. *Aër* autem *frigidus* vim sedantem exercere, et igitur diathesin corporis phlogisticam diminuendo, et numerum pustularum nimium, qui multis mortalium millibus exitio certissimo est, præcavendo, agere videtur.

Plurimos ægrotantes vidi, qui febre eruptionem præcedente gravissime laborarunt, quos, e lecto exemptos, omni signa violentiora protinus deferuerunt.

2. *Cathartica*.—Hæc sunt medicamenta in primis utilia. Illam corporis conditionem tollunt, quæ ad pustulas numerosissimas progenerandas tantopere facit. Ea, per prima morbi stadia, dare omnino convenit. Nec usu eorum, per stadia ejus posteriora, abstineri debet ; quoniam primas vias omni materia foetida, quæ ibi accumulata est, et morbi gravitatem intendere periclitatur, omnino liberant. Quo leniora sunt, eo minus systema irritabunt, et eo minus molestiæ ægroto infelici, qui vix ab uno loco ad alium potest moveri, facessent.

Hæc a medicis summæ famæ et existimationis



tionis laudibus maximis sublata fuerunt. Ad ea, successu cum prosperrimo, decursum esse testantur viri clari, FRIENDIUS, MEADIUS, &c. Per stadia variolæ confluentis provectiora, me judice, periculo non carent, ob magnam debilitatem, quæ, eo tempore, invalescit. Igitur, rebus ita se habentibus, nullo alio consilio, quam ut intestina fæcibus putridis aut induratis liberentur, adhiberi debent.

3. *Acida*.—Hæc, hoc in morbo, meritissime præscribuntur; quoniam, omnia signa febrilia compescendo, plurimum proficiunt. Potionem frigidam acidamque, frequenter adhibitam, evidentissime prodesse vidi. Nec aliquid, hoc potus genere, ægrotantium palato gratius acceptiusve est.

4. *Sanguinis Detractio*.—Hæc, per primum morbi stadium, nonnunquam perquam necessaria est; potissimum, si ægrotus plenitudine nimia laboret, et febris inflammationem habeat. Conditiō vero ægrotantis, quousque in usu hujus debeat procedi, optime monebit; nec prudens sagaxque medicus, in re hujuscemodi, facile poterit falli.

5. *Re-*

5. *Refrigerantia*.—Ex his præcipua sunt acida et sales medii. Acidum vegetabile expressum, per omnia hujusce morbi stadia, cum commodo summo, adhiberi potest. In hoc aliisque morbis, inflammationem habentibus, renisum systematis violentiorem compescendo, multum auxilii ægrotanti adferre potest. Alii quoque sales medii, eodem consilio, et forsitan cum successu prospero, in usum revocari possunt.

6. *Emetica*.—Si ægrotus nausea et vomitione infestetur, et ventriculus magnopere perturbari videatur, ad emeticum mitius forsitan, rebus ita se habentibus, confugere conveniet. Cæterum, utrum necne dolor ab inflammatione ventriculi proficiscatur, anxie investigari debet. Namque, si res ita sese habet, summæ et indubitabili injuriæ foret.

7. *Opiata*.—Hæc autem, in omnibus, et variolæ discretæ et confluentis, stadiis, sunt necessaria. Illum dolorem ingratissimum, qui suppurationem comitatur, levant, et ad somnum ægroto comparandum magnopere conferunt.



runt. Hæc SYDENHAMIUS, medicinæ hodiernæ decus, summo in honore habuit, et, in omnibus casibus, et variolæ discretæ et confluentis, gravioribus, summis laudibus ornavit. Nul- lum medicamentum, quod tota materia medica comprehendit, cum opio comparandum, multo minus ei anteponendum, si utilitatem, quæ, hoc in morbo, inde profluat, rite consideres. Si alvus, usu ejus, adstricta evadat, enematis emollientibus solvatur.

In variola confluyente, si magna debilitas adfit, si æger morbo extinguere periclitari videatur; si pustulæ planæ depressæque maneat, nec rite eleventur, vel elevatæ subito sub-  
sident; si hæmorrhagiæ, vel alia signa formidolosa urgeant; sine mora, ad remedia sequentia, vinum quodlibet generosum, chinconam, aëra frigidum, opium, acida, et alia medicamenta corroborantia et antiseptica, quæ omnia copiose liberaliterque sumenda sunt, protinus decurratur. Nulla sunt medicamenta, quæ vino Hispano opioque, modice sumptis, finem variolæ versus, præstant. Venerabilis

nerabilis et eruditissimus BOERHAAVIUS, se nullum remedium, si hæc, modo posita, contra gravitatem morbi non efficacia forent, novisse, quod votis medicorum responderet, affirmat.

Per ultimum morbi stadium, ut epispastica et sinapismi adhibeantur, suadent pars medicorum maxima. Quantum illa spectat, plus periculi, quam commodi, sæpissime attulerunt. Quod vero ad hos attinet, plantis pedum admoti potestatem stimulantem edere, et vires systematis languescentes in actionem novam rursus ciere dicuntur. Si vero auxilium non aliunde peti possit, et natura, sine hac ope, ægrotum conservare nolit, de miserrima mortis victima actum conclamatumque est. Si guttur vero inflammatione, vel tumore, afficiatur, epispastica ei protinus admoveantur; et eodem tempore, gargarismata detergentia, quæ forsitan signa levabunt, in usum revocentur.

Ægrotus, aëri frigido puroque constanter, objiciatur; potio frigida copiose sumatur; morbo conflictans ab omni immunditia immunis



nis conservetur ; fœces, cum primum excernuntur, e cubiculo ægrotantis, momento, tollantur ; stragula sæpe mutantur ; et conclave, in quo decumbitur, perflatum liberum habeat, et acidis fermentatis, in statum evaporationis redactis, sæpissime suffumigetur.

Omni ratione, quæ potest adhiberi, tranquillitatem animi ægrotantis conservare conemur, et spes ejus salutis erigatur et foveatur.

Non pauca remediorum, quæ huic morbo conveniunt, recensuimus ; sed multa alia in scriptis medicorum reperiunda sunt, quæ brevis instituti nos, ex toto, præterire cogit.

Hanc dissertationem ad finem perducere nequeo, quin gratias Professoribus Academiæ Edinensis eruditissimis maximas habeam, a quorum prælectionibus excellentissimis summum fructum percepi. Omni molestia et anxietate, quæ mortales nimis frequenter exercere solent, per decursum vitæ longissimæ, ex toto careant ; et Academia, per spatium annorum quam maxime diuturnum, laboribus eorum adjuta et sustentata, gloriæ pristinæ tenax, florere pergat.











